

# Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaat

Ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaanni nr. 7, 21. maj 2002-meersumi, Inatsisartut peqqussutaatigut nr. 4, 12. maj 2005-meersukut allanngortinneqartumi § 3, imm. 4, aamma § 4, imm. 5 naapertorlugit aalajangersarneqarput:

## Akit

**§ 1.** Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akit ukiumi tulluuttumi atuuttussat kommunalbestyrelsip kingusinnerpaamik novembarip qaammataani aalajangersartassavai.

*Imm. 2.* Akit kommunip ulluunerani paaqqinnittarfiutaasa kommunillu aaqqissugaanik ulluunerani angerlarsimaffimmi paaqqinniffiit ingerlanneqarnerannut aningaasartuutissatut kommunip ukiumoortumik missingersuusiai tunngavigalugit aalajangersarneqartassapput.

**§ 2.** Kommunalbetyrelsip akit assigiinngitsut meeqqanut arfineq-marluk inorlugit ukiulinnut aammalu meeqqanut arfineq-marluk sinnerlugit ukiulinnut aalajangersartassavai. Kommunalbetyrelsip aamma akit assigiinngitsut naalungiarsunnut inoorlaaniit marluk tikillugit ukiulinnut aammalu meeqqanut pingasuniit arfinillit tikillugit ukiulinnut aalajangersarsinnaavai.

*Imm. 2.* Kommunalbetyrelsip illoqarfinni nunaqarfinnilu akit assigiinngitsut aalajangersarsinnaavai. Illoqarfinni nunaqarfinmiluunniit najugarisami paaqqinnittarfikkuutaartumik akinik aalajangersaasoqarsinnaanngilaq.

*Imm. 3.* Kommunalbetyrelsip kommunip aaqqissugaanik ulluunerani angerlarsimaffimmi paaqqinniffinnut aki immikkut ittoq aalajangersarsinnaavaa.

*Imm. 4.* Kommunalbetyrelsi meeqqanut nal. akunneri 25-t tikillugit kommunip ulluunerani paaqqinnittarfiutaanniittartunut imaluunniit kommunip aaqqissugaanik angerlarsimaffimmi paaqqinniffinniittartunut akigitinneqartup affaanik akiliuteqartoqartarnissaanik aalajangersaasinnaavoq.

**§ 3.** Akit kisitsisit alliartuaartut uku malillugit aalajangersarneqartassapput:

Isertitarisartakkat:

Inissamut ataatsimut ingerlatsinermut  
aningsaasartuutit pct.-iat:

Pct. minnerp.

Pct. annerp.

99.999 kr.-it tikillugit

0

5

100.000 - 104.999 kr.-inut	6	6
105.000 - 109.999 kr.-inut	7	7
110.000 - 114.999 kr.-inut	8	8
115.000 - 119.999 kr.-inut	9	9
120.000 - 124.999 kr.-inut	10	10
125.000 - 129.999 kr.-inut	10	11
130.000 - 134.999 kr.-inut	10	12
135.000 - 139.999 kr.-inut	10	13
140.000 - 144.999 kr.-inut	10	14
145.000 - 149.999 kr.-inut	10	15
150.000 - 154.999 kr.-inut	10	17
155.000 - 159.999 kr.-inut	10	19
160.000 - 164.999 kr.-inut	10	21
165.000 - 169.999 kr.-inut	10	23
170.000 - 174.999 kr.-inut	10	25
175.000 - 179.999 kr.-inut	10	27
180.000 - 184.999 kr.-inut	10	29
185.000 - 189.999 kr.-inut	10	31
190.000 - 194.999 kr.-inut	10	33
195.000 - 199.999 kr.-inut	10	35
200.000 - 204.999 kr.-inut	10	37
205.000 - 209.999 kr.-inut	10	39
210.000 - 214.999 kr.-inut	10	41
215.000 - 219.999 kr.-inut	10	43
220.000 - 224.999 kr.-inut	10	45
225.000 - 229.999 kr.-inut	10	47
230.000 - 234.999 kr.-inut	10	49
235.000 - 239.999 kr.-inut	10	51
240.000 - 244.999 kr.-inut	10	53
245.000 - taakkulu qaangerlugit	10	55

**§ 4.** Akiliisussaatitaasoq imaluunniit akiliisussaatitaasut, tak. § 5, kommunalbestyrelsip § 1, imm. 1 naapertorlugu aalajangiinerata kinguninngua akit annertussusissaat pillugit ilisimatinneqassapput.

#### *Akiliisussaatitaaneq*

**§ 5.** Akiliisussaatitaapput meeqqap inuusuttulluunniit inuit allattorsimaffiat malillugu najugaqarfigisaa imaluunniit najugaqarfigisai (nalinginnaasumik najugaq), taamaattorli tak. imm. 2 aamma 3 kiisalu § 6.

*Imm. 2.* Meeraq atuarfimmiinnerminut assigisaaniinnerminulluunniit atatillugu nalinginnaasumik najugarisami avataani najugaqarallarpat, akiliisussaataapput meeqqap nalinginnaasumik najugaqarfigisaa imaluunniit najugaqarfigisai. Meeqqap najugaqarallarfeqalernerata ki-ngorna meeqqap nalinginnaasumik najugarisaata sumiinnera nalornissutigineqalerpap akiliisussaataasut tassaassapput meeqqap nalinginnaasumik najugarisassaataut ataatsimut naliliineq tunngavigalugu naatsorsuutigisat imaluunniit naatsorsuutigisat.

*Imm. 3.* Meeraq ilaqutariinni paarineqarpat paaqqinninnissamullu akuersissuteqartoqarsimappat akiliisussaataapput paaqqinninnissamik akuersissummik peqartoq imaluunniit peqartut.

Akiliiffusussaannngitsumik ilaannakortumilluunniit akilimmik inissaq

**§ 6.** Meeqqanut 15-it inorlugit ukiullit ulloq unnuarlu paaqqinnittarfinni imaluunniit pisortat aaqqissugaannik ilaqutariinni paarineqartussatut inissinneqarsimasut kommunip ulluunerani paaqqinnittarfutaanni kommunillu aaqqissugaanik ulluunerani angerlarsimaffimmi paaqqinniffinni inissanik akiliiffusussaannngitsunik ilaannakortumilluunniit akilinnik tunniussisoqartarpoq.

**§ 7.** Kommunalbestyrelsi suliniutinik aallartitsinissamik, meeqqanik inuusuttunillu ikiorsiisarneq pillugu Inatsisartut peqqussutaat naapertorlugu aalajangiinnerminut atatillugu aalajangiisinaavoq kommunip ulluunerani paaqqinnittarfutaanni kommunilluunniit aaqqissugaanik ulluunerani angerlarsimaffimmi paaqqinniffimmi akiliiffusussaannngitsumik ilaannakuusumilluunniit akilimmik inissamut aningaasaliissuteqartoqarnissanik.

*Qatanngutigiinnut akikillisaat*

**§ 8.** Akiliisussaataasooq imaluunniit akiliisussaataasut meeqqap 15-it inorlugit ukiullip kommunip ulluunerani paaqqinnittarfutaaniittartup kommunilluunniit aaqqissugaanik ulluunerani angerlarsimaffimmi paaqqinniffimmiittartup ataatsip saniatigut meeqqanik allanik akiliissutassaqaarpata, meeqqamut angajullermut tamakkiisumik akiliisoqartassaaq sinnerinullu meeqqamut ataatsimut affarmik akiliisoqartassalluni.

*Naatsorsuinnermi tunngavissaq*

**§ 9.** Kommunip ulluunerani paaqqinnittarfutaaniinnermut kommunilluunniit aaqqissugaanik ulluunerani angerlarsimaffimmi paaqqinniffimmiinnermut akiliutissaq akiliisussaataasup imaluunniit akiliisussaataasut ukiumi aningaasarsiorfusumi inarneqarsimasumi kingullermi aningaasarsiaat akileraaruteqaataasussat tunngavigalugit aalajangersarneqassapput.

*Imm. 2.* Akiliisussaataasup imaluunniit akiliisussaataasut aningaasarsiamik akileraaruteqaataasussat imm. 1-imi taaneqartut allannguutaannik kommunalbestyrelsimut ilisimatitsissuteqassapput.

**§ 10.** Kommunalbestyrelsip pineqartunit isertitarisartakkt annertuutigut allannguuteqaarpata allannguuteqassanganneqarpataluunniit aalajangersinnaavaa isertitarisartakkt akiliutissap aalajangersarneqarnissanut tunngaviusussat tassaassasut maannakkorpiaq isertitarisartakkt ukioq kaajallallugu tamakkiisumik isertitarisassatut naatsorsuussanut naleqqussariikkat.

*Imm. 2.* Akileraarusiisarnermi oqartussaasut aningaasarsianik akileraaruteqaataasussanik siusinnerusukkt annertussusiliisimangippata akiliisarnissaq pisassaaq siumoortumik nalunaarsuineq tunngavigalugu imaluunniit maannakkorpiaq isertitarisartakkt ukioq kaajallallugu isertitarisassatut naatsorsuussanut nalequssareerlugit.

### *Isertitarisartakkat pillugit nalunaarut*

**§ 11.** Meeqqap kommunip ulluunerani paaqqinnittarfutaaniittalerneranut imaluunniit kommunip aaqqissugaanik ulluunerani angerlarsimaffimmi paaqqinniffimmiittalerneranut atatillugu, imaluunniit kikkut akiliisussaatitaanerisa allannguuteqarnerinut atatillugu, tak. § 5, akiliisussaatitaasoq imaluunniit akiliisussaatitaasut isertitarisartakkatik pillugit allaganngorlugu nalunaarummik kommunalbestyrelsimut tunniussaqtassapput.

*Imm. 2.* Isertitarisartakkat pillugit nalunaarut kommunalbestyrelsimut piginnaatitsissummik ilaqartinneqassaaq, meeraq kommunip ulluunerani paaqqinnittarfutaaniittartillugu imaluunniit kommunip aaqqissugaanik ulluunerani angerlarsimaffimmi paaqqinniffimmiittartillugu akiliisussaatitaasup imaluunniit akiliisussaatitaasut aningaasarsiaat pillugit paasissutissanik akileraartarnermut oqartussaasunut paasiniaasarsinnaanermik imaqtumik.

*Imm. 3.* Akiliisussaatitaasup imaluunniit akiliisussaatitaasut nalunaarut imm. 1-imi taaneqartoq tunniutinngippassuk akiliutissaq akimik qaffasinnerpaamik annertussusilerlugu aalajangersarneqassaaq.

**§ 12.** Paaqqinnittarfinnut ataasiakkaanut akiliisoqartarpat § 11, imm. 1-imiit 3-mut aalajangersakkat taamatulli atuutissapput.

### *Akiligassat akilinngisat aamma paaqqinnittarfimmiikkunnaartitsisarneq*

**§ 13.** Akiliisussaatitaasoq imaluunniit akiliisussaatitaasut akiligassaminnik akilinngisaqalerpata, pineqartullu akiligassamik akilersornissaat pillugu isumaqatigiissusioqqullugit allakkatigut eqqaasitsissummik tigusaqareersimappata meeraq pineqartoq ulluunerani paaqqinnittarfimmiikkunnaartinneqassaaq imaluunniit ulluunerani angerlarsimaffimmi paaqqinniffimmiikkunnaartinneqassalluni, tak. § 14.

*Imm. 2.* Akiligassat akilinngisat tamarmik ullut 14-it qaangiutsinnagit akilerneqarpata paaqqinnittarfimmiikkunnaartitsinermik aalajangerneq atorunnaassaaq.

*Imm. 3.* Akiligassaqarneq pissutigalugu meeqqap paaqqinnittarfimmiikkunnaartittariaqarneranik akiliisussaatitaasumut imaluunniit akiliisussaatitaasunut nalunaaruteqarneq peqatigalugu, kingusinnerunngitsumik, isumaginninnermik suliaqartut kalerrinneqassapput.

**§ 14.** Meeqqamik kommunet ulluunerani paaqqinnittarfutaaniit imaluunniit kommunet aqutigalugit ulluunerani paaqqinnittarfinniititsinerit tamarmik pinngitsooratik minnerpaamik ullunik 14-nik sioqqutsisumik nalunaarutigineqartassapput qaammatip 1.-ani atuutilersussatut.

### *Atortuulersitsineq*

**§ 15.** Nalunaarut una ulloq 1. november 2006 atortuulerpoq. Ilutigalugu meeqqat kommunip ulluunerani paaqqinnittarfutaaniinnerannut kommunillu aaqqissugaanik ulluunerani angerlarsimaffimmi paaqqinniffimmiinnerannut akiliuteqartarneq pillugu nalunaarut nr. 28, 13. september 1989-imeersoq atorunnaarsinneqarpoq.

Doris Jakobsen

/

Lise Lennert Olsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut